

Morning Dogri (NSD) National News Bulletin 15-12-2024

आकाशवाणी

1. प्रधानमंत्री नरेन्द्र मोदी तेजिया कन्नै विकास लेई केन्द्र ते राज्ये दी हिस्सेदारी गी निग्गर करने आस्तै मुख्य सचिवे दे चौथे राष्ट्रीय सम्मेलन गी अज्ज संबोधत करगंन।
2. इक राष्ट्र इक चुनां कन्नै सरबंधत दऊं विधेयक कल संगारै लोकसभा च पेश कीते जांगन।
3. केन्द्री गृहमंत्री अमित शाह होरे उने अरोपे गी खारज कीता ऐ जिंदे च आखेआ गेआ हा जे इक राष्ट्र इक चुनां विधेयक संघवाद दे सिद्धांते गी कमजोर करदा ऐ।
4. एनसीआर ते एह्दे आले दोआले दे इलाके च ब्हाऊ दे मयार कन्नै सरबंधत आयोग सीएक्यूएम नै ग्रेडेड रिस्पांस एक्शन प्लान ग्रैप च तरमीम कीती ऐ।
5. श्रीलंका दे राष्ट्रपति अनुरा कुमारा दिसानायके भारत दे त्रै दिने दे सरकारी दौरे पर आवा करदे न।
6. हॉकी च भारत अज्ज महिला जूनियर एशिया कप 2024 दे खताबी मकाबले च चीन कन्नै मैच खेडोग।

<><><><><><>

PM-Chief Secretary

प्रधानमंत्री नरेन्द्र मोदी होर अज्ज नमीं दिल्ली च मुख्य सचिवे दे चौथे राष्ट्रीय सम्मेलन गी संबोधत करगंन। श्री मोदी होरे कल सम्मेलन दी प्रधानता कीती ही। त्रै दिन तगर चलने आला एह् सम्मेलन शुक्रवारें रंभ होआ हा। एह्दा मकसद राज्ये दे सैहयोग कन्नै सांझे विकास एजेडे दी समीक्षा ते अमलावरी जकीनी बनाना ऐ। सम्मेलन च केन्द्र ते राल्य सरकारें दी हिस्सेदारी गी निग्गर करने ते सहकारी संघवाद, तेज आर्थिक वृद्धि ते विकास च बेहतर तालमेल जकीनी बनाना ऐ। एह्दे च सब्बने राज्ये ते केन्द्र शासत प्रदेशें दे मुख्य सचिवे, आला अधिकारी ते माहिर हिस्सा लै करदे न।

<><><><><><>

One Nation One Election

इक राष्ट्र इक चुनाऽ कन्नै सरबंधत द'ऊं विधेयकें गी कल संगारें लोकसभा च पेश कीते जाने दा कार्यक्रम ऐ। केन्द्री विधि मंत्री अर्जुन राम मेघवाल होर 129मां संविधान संशोधन विधेयक ते केन्द्र शासित प्रदेश संशोधन विधेयक लोकसभा च पेश करडन। हाल च गै सरकारै मुख्य भरै च कन्नो-कन्नी चुनाऽ करोआने लेई इक राष्ट्र इक चुनाऽ दे प्रस्ताऽ पर विचार लेई खडेरी गेदी उच्चे अखितयारें आहली समिति दिएं सफारशें गी स्वीकार कीता हा। साबका राष्ट्रपति रामनाथ कोविंद हुंदी अध्यक्षता च खडेरी गेदी इस उच्च स्तरी समिति नै सियासी पार्टिएं ते माहिरें-विशेषज्ञें सने सब्बने हित धारकें कन्नै व्यापक विचार बटांदरा कीता। इक राष्ट्र इक चुनाऽ दा सिद्धांत द'ऊं चरणें च लागू कीता जाहग। पैहले चरण च लोकसभा ते विधानसभा दे चुनाऽ कन्नो-कन्नी करोआए जाडन जदके पंचैतें ते नगर पालिकाएं जनेय मुकामी निकायें दे चुनाऽ, आम चुनाएं दे 100 दिनें दे अंदर करोआए जाडन।

<><><><><><>

Amit Shah

केन्द्री गृहमंत्री अमित शाह होरें उनें अरोपें गी खारज करी दित्ता जे इक राष्ट्र इक चुनां विधेयक संघवाद दे सिद्धाते गी कमजोर करदा ऐ। नमीं दिल्ली च टी.वी.चैनलें आस्सेआ आयोजित इक कार्यक्रम च उनें आखेआ जे लोकसभा ते विधानसभा चुनां किट्ठे होना गीई नमीं गल्ल नेई ऐ। उनें आखेआ जे 1952 च सारे चुनां किट्ठे होए हे। अमित शाह होरें आखेआ जे 1957 च हालांके चुनां बक्ख-बक्ख तरीकु आस्तै तैह हे, इस दरान 8 राज्यें दी विधानसभा भंग करी दित्ती गई, जिस करी इक्कै बेल्ले चुनां मुमकन होई सकै।

<><><><><><>

PM-LS Debate

प्रधानमंत्री नरेन्द्र मोदी होरें इस गल्ला पर जोर दित्ता ऐ जे संविधान मुल्ले दी एकता दा मुख आधार ऐ। श्री मोदी होरें बन्नसबन्नता च एकता गी मुल्ले दी टकोहदी खासियत दस्सदे होई आखेआ जे उंदी सरकारै मुख्य दी एकता गी निग्गर करने बक्खी नीतियां बनाइयां न ते फैसले लैते न। लोकसभा च भारत दे संविधान दे 75 ब'रे दी गौरवशाली यात्रापर खास चर्चा दा परता दिंदे होई प्रधानमंत्री होरें एह गल्ल आक्खी। प्रधानमंत्री होरें आखेआ जे उंदी सरकार सम्मान नागरिक संहिता लागू करने लेई वचनबद्धत ऐ। मोदी होरें

आखेआ जे एनडीए सरकार धर्म निरपक्ख सम्मान नागरिक संहिता आन्नने आस्तै कम्म करा'रदी ऐ।

<><><><><><>

CAQM

ब्हारु दे मयार करने सरबंध प्रबंधन आयोग सीएक्यूएम नै राश्ट्री राजधानी क्षेत्र दिल्ली ते आले दुआले दे इलाके च ग्रेडेड रिस्पांस एक्शन प्लान ग्रैप च तरमीम कीती ऐ। संशोधित ग्रैप मूजब त्रीये ते चौथे गेड़ दे किश तैह कम्मं गी दुए ते त्रीये गेड़ च शामिल करी लैता गेआ ऐ। दुए गेड़ तैहत् कीते जाने आले कम्म बड़ी मती खराब ब्हारु दे मयार कन्नै सरबंधत न, जेहदे च दिल्ली दा ब्हारु दी गुणवत्ता सूचकांक एक्यूआई 301 शा 400 बश्कार ऐ। त्रीया गेड़ ब्हारु दे गंभीर मयार कन्ने सरबंधत ऐ, जेहदे च एक्यूआई 401 श 450 बश्कार हुंदा ऐ। चौथे गेड़ च एक्यूआई 450 शा उप्पर ते ब्हारु दे मयार च बड़ी मती खराब रेणी च आई जंदा ऐ।

<><><><><><>

Srilanka

श्रीलंका दे राश्ट्रपति अनुरा कुमारा दिसानायके भारत दी त्रै दिनें दी यात्रा पर आवा'रदे न। श्रीलंका दे राश्ट्रपति दा औहदा संभालने मगरा एह उंदी पैहली भारत यात्रा ऐ। अपने दौरे दरान ओह राश्ट्रपति द्रौपदी मुर्मू ते प्रधानमंत्री नरेन्द्र मोदी हुंदे कन्नै दपक्खी मामले पर चर्चा करगंन। ओह दिल्ली च कारोबार सरबंधी इक कार्यक्रम च बी हिस्सा लैगन।

<><><><><><>

Chhatisgarh-Amit Shah

केन्द्री गृहमंत्री अमित शाह होर अज्ज अपने छत्तीसगढ़ दे दौरे रायपुर ते अगदलपुर च आयोजित कार्यक्रमें च शामिल होआ'रदे न। श्री शाह होरें पुलस परेड ग्राउंड च लगने आले समारोह च छत्तीसगढ़ पुलस गी प्रेसीडेंट कलर अवार्ड कन्नै सम्मानत करगंन। एह सम्मान छत्तीसगढ़ पुलस गी सत्य निष्ठ मनुक्खी गरिमा ते जंदे 24 बरें दे शानदार रिकार्ड लेई दित्ता जा'रदा ऐ। प्रेसीडेंट कलर अवार्ड जिसी निशान बी गलाया जंदा ऐ, देसै दी कुसै बी

सैन्य इकाई गी दित्ते जाने आले सब्बने शा बड्डा अवार्ड ऐ। उनें छत्तीसगढ़ पुलस दे सब्बै अधिकारी ते जवान अपनी वर्दी च इस टकोह्दे निशान गी लांगन जेह्ड़ा उंदी बेमिसाल पंछान दी पुलस होग। केन्द्री गृहमंत्री होर अज्ज बस्तर दे संभागीय मुख्यालय जगदलापुर च आयोजित बस्तर ओलंपिक दे सम्मान समारोह च बी हिस्सा लैगन। एह्दे अलावा ओह् आत्मसमर्पण करियै समाज दी मुखधारा च शाम होई चुके दे ते शहीद जवानें गी श्रद्धांजलि अर्पित करगंन।

<><><><><><>

NIA

राश्ट्री जांच अजेंसी एनआईए नै शिव खौड़ी रनसू थमां कटड़ा जा'रदी तीर्थ यात्रिएं दी बस पर कीते गेदे आतंकी हमले दे सरबंधे च अज्ज इक आरोपी खलाफ आरोप पत्र दाखल कीता। एनआईए दे प्रवक्ता नै दस्सेआ जे एनआईए दी विशेष अदालत च दाखल कीते गेदे आरोप पत्र च अजेंसी नै हिरासत च लैते गेदे आरोपी किम खान उर्फ हकीम दीप पर बक्ख-बक्ख दफाएं तैह्त आरोप लाए न। एह् हमला 9 जून 2024 गी कीता गेआ हा, जिसलै किश बेपंछानू आतंकिएं झंडी मोड़ कश कांढा पुज्जने पर यात्रुएं दी बस पर अन्नेबाह् गोलीबारी कीती ही। हमले च 8 तीर्थ यात्रिएं सनें बस डरैवर दी बी मौत होई गई ही ते 41 जनें गंभीर तौरा पर जखमी होए हे।

<><><><><><>

Hockey

हॉकी च अज्ज ओमान दे मस्कट च महिला जूनियर एशिया कप महिला हॉकी फाइनल च भारत दा मकाबला चीन कन्नै होग। एह्दे शा पैह्ले इस प्रतियोगिता दे इक पूल मैच च चीन नै चीन ने भारत गी 2-1 कन्नै हराया हा। पूल-ए च 9 अंके कन्नै चीन पैहली थाहर पर हा ते भारत दुए नंबरे पर। कल होए दे सैमीफाइनल च भारत नै जापान गी 3-1 कन्नै ते चीन नै दक्खन कोरिया गी 4-1 कप्पै शिकस्त दित्ती।

<><><><><><>

IMD

मौसम विभाग नै आखेआ ऐ जे उत्तर-पच्छम ते मध्य भारत च अगले 2-3 दिनें तगर सीत लैहर जनेह् हालात बरोबर बने दे रौहगन। विभाग नै इब्बी दस्सेआ जे जम्मू कश्मीर, लद्दाख, पंजाब, हरियाणा, चंडीगढ़, राजस्थान, उत्तर प्रदेश, मध्यप्रदेश ते छत्तीसगढ़ च अगले दऊं दिनें दरान सीत लैहर जारी रौहग।

<><><><><><>